

Lán tī Kitok Lāi ê Sengoáh

6 Anne, lán tiòh árchóaⁿ kóng? Lán kám thang kèsiók tī chōeok tiong sengoáh, thang hō intián koh khah ke thiⁿ? ² Choáttùì m̄ thang! lán chiahe íkeng sí tī chōe tiong ê lâng, kám thang koh kèsiók tī chōe tiong sengoáh? ³ Lín kám m̄ chai, lán chiahe niásiū sélé lâi kah Kitok lésu kiatháp ê lâng, tòh sī niásiū sélé lâi kah l chòhóe sí? ⁴ Thongkòe sélé, lán kah Kitok tângchê sí, tângchê siū báichòng, thang chhinchhiūⁿ Kitok thongkòe ThiⁿPē êngkng ê koânlêng tùi sí kohoáh kângkhoán, lán mā ē tàng kòe sin ê sengoáh.

⁵ Lán kijiân kah Kitok chiâⁿchò chítthé lâi thégiam l ê sí, lán mā ittēng ē kah l chiâⁿchò chítthé lâi kohoáh. ⁶ Lán chai, kòekhì ê kũ ê lán íkeng kah Kitok chòhóe tēng tī sǐpjìkè téng, thang páithoat hitê siū chōe sokpák ê sengkhu, hō lán bô koh chò chōe ê lôlê. ⁷ Inūi lâng ittàn sí khi, tòh tùi chōe ê koânsè tiong tit tiòh tháupàng. ⁸ Lán kijiân kah Kitok chòhóe sí, lán siongsìn lán mā beh kah l chòhóe kohoáh. ⁹ Lán chai Kitok íkeng tùi sí kohoáh, l bē koh sí, síbông mā bē tàng koh koánhat l. ¹⁰ Inūi Kitok sí chít pái tòh kah chōe oânchoân toânchoat koanhē; l chit má oáh leh, sī ūi SiōngChú teh oáh. ¹¹ Anne, lín mā tiòh khòⁿ kakī íkeng sí tī chōe tiong, m̄ koh chit má kah Kitok lésu kiat liân, ūi SiōngChú teh oáh.

¹² Sǐ, m̄ thang koh hō chōe koánhat lín ē sí ê sengkhu, khi sūnhók jiókthé ê iókbōng; ¹³ mā m̄ thang kā sengkhu ê kithé kau hō chōe, khi chò putgī ê kangkū. Lín tiantò tiòh chò chítê tùi sí kohoáh ê lâng, kā kakī hiàn hō SiōngChú, kā sengkhu ê kok kithé hiàn hō SiōngChú chò konggī ê kangkū. ¹⁴ M̄ thang hō chōe kā lín koánhat, inūi lín m̄ sī oáh tī lúthoat ē, sī oáh tī intián hā.

Chōe Tit tiòh Siàbián

¹⁵ Anne, kám kóng inūi lán m̄ sī oáh tī lúthoat

咱 tī 基督內 ê 生活

6 Anne, 咱 tiòh án 怎講? 咱 kám thang 繼續 tī 罪惡中生活, thang hō 恩典 koh khah 加添? ² 絕對 m̄ thang! 咱 chiahe 已經死 tī 罪中 ê 人, kám thang koh 繼續 tī 罪中生活? ³ Lín kám m̄ 知, 咱 chiahe 領受洗禮來 kah 基督耶穌結合 ê 人, tòh 是領受洗禮來 kah 祂做伙死? ⁴ 通過洗禮, 咱 kah 基督同齊死, 同齊受埋葬, thang 親像基督通過天父榮光 ê 權能 tùi 死 koh 活全款, 咱 mā ē tàng 過新 ê 生活。

⁵ 咱既然 kah 基督成做一體來體驗祂 ê 死, 咱 mā 一定 ē kah 祂成做一體來 koh 活。 ⁶ 咱知, 過去 ê 舊 ê 咱已經 kah 基督做伙釘 tī 十字架頂, thang 擺脫 hitê 受罪束縛 ê 身軀, hō 咱無 koh 做罪 ê 奴隸。 ⁷ 因為人一旦死去, tòh tùi 罪 ê 權勢中得 tiòh tháu 放。 ⁸ 咱既然 kah 基督做伙死, 咱相信咱 mā beh kah 祂做伙 koh 活。 ⁹ 咱知基督已經 tùi 死 koh 活, 祂 bē koh 死, 死亡 mā bē tàng koh 管轄祂。 ¹⁰ 因為基督死一 pái tòh kah 罪完全斷絕關係; 祂 chit má 活 leh, 是為上主 teh 活。 ¹¹ Anne, lín mā tiòh 看 kakī 已經死 tī 罪中, m̄ koh chit má kah 基督耶穌結連, 為上主 teh 活。

¹² 所以, m̄ thang koh hō 罪管轄 lín ē 死 ê 身軀, 去順服肉體 ê 慾望; ¹³ mā m̄ thang kā 身軀 ê 肢體交 hō 罪, 去做不義 ê 工具。 Lín 顛倒 tiòh 做一個 tùi 死 koh 活 ê 人, kā kakī 獻 hō 上主, kā 身軀 ê 各肢體獻 hō 上主做公義 ê 工具。 ¹⁴ M̄ thang hō 罪 kā lín 管轄, 因為 lín m̄ 是活 tī 律法下, 是活 tī 恩典下。

罪得 tiòh 赦免

¹⁵ Anne, kám 講因為咱 m̄ 是活 tī 律法下,

ē, sī tī intián hā, lán tòh ē tàng hōanchōe?
Choàttùi bē tàng! 16 Lín kám m̄ chai, lín nā kā kakī
kau hō bō chitlâng chò lōpók lâi sūnhók i, lín tòh
sī hitê lêng ê lōpók? Ánne, lín sī beh chò chōe ê
lōpók lâi kiâⁿjíp síbông, á sī beh chò SiōngChú ê
lōpók lâi sūnhók i, tìkàu chhenggī? 17 Kámsiā
SiōngChú! Suijiân lín kòekhì sī chōe ê lōpók,
chit má khiok íkeng choânsim sūnhók số thoânsiū
hō lín chò kuihoân ê kàsī. 18 Lín íkeng tùì chōe
tióng tit tiòh tháupàng, chiâⁿchò gī ê lōpók. 19
Góa khióngkiaⁿ lín bē liáukái, sối, góa ēng itpoaⁿ
lêng ē tàng liáukái ê òe kā lín soatbêng. Íchêng lín
kā sengkhu pahthé kau hō ùè kah puthoat chò
lōpók, tìsú puthoat ê tãichì jú lâi jú kethiⁿ. Chit má
lín tiòh kā sengkhu pahthé hiân hō konggī chò
lōpók, chiâⁿchò sèngkiat ê khiⁿkū. 20 Lín chò chōe
ê lōpók ê sī, bô siū konggī ê sokpák. 21 Hit sī, lín
chò chit má khòⁿ chò kiânsiào ê tãichì, kiatkiók sī
siáⁿmih? Kiatkiók sī sí! 22 Chit má lín íkeng tùì
chōe tióng tit tiòh tháupàng, chiâⁿchò SiōngChú
ê lōpók, koh tī sèngkiat tióng kiát kóechí, kiatkiók
tòh sī éngseng. 23 Inūi chōe ê tãikè sī sí; m̄ koh,
SiōngChú thongkòe Chú Kitok lésu, péhpèh sù hō
lán ê khiok sī éngseng.

是 tī 恩典下，咱 tòh ē tàng 犯罪？絕對 bē
tàng！ 16 Lín kám m̄知，lín 若 kā kakī 交 hō某一
人做奴僕來順服伊，lín tòh 是 hitê 人 ê 奴僕？
Ánne，lín 是 beh 做罪 ê 奴僕來行入死亡，á 是
beh 做上主 ê 奴僕來順服祂，致到稱義？ 17 感
謝上主！雖然 lín 過去是罪 ê 奴僕，chit má 卻已
經全心順服所傳授 hō lín 做規範 ê 教示。 18 Lín
已經 tùì 罪中得 tiòh tháu 放，成做義 ê 奴僕。
19 我恐驚 lín bē 了解，所以，我用一般人 ē tàng
了解 ê 話 kā lín 說明。以前 lín kā 身軀百體交 hō
污穢 kah 不法做奴僕，致使不法 ê tãichì jú 來 jú
加添。Chit má lín tiòh kā 身軀百體獻 hō 公義做
奴僕，成做聖潔 ê 器具。 20 Lín 做罪 ê 奴僕 ê
時，無受公義 ê 束縛。 21 Hit 時，lín 做 chit má
看做見笑 ê tãichì，結局是啥物？結局是死！ 22
Chit má lín 已經 tùì 罪中得 tiòh tháu 放，成做上
主 ê 奴僕，koh tī 聖潔中結果 chí，結局 tòh 是
永生。 23 因為罪 ê 代價是死；m̄ koh，上主通過
主基督耶穌，白白賜 hō 咱 ê 卻是永生。